

CUIDADA AMEDIANTE DE COVID-19

Tips para na maga caseworkers

para identifica maga familia tiene peligro y dale suporta para na cuidada

Gracias cae ta continua tu man contact con este maga familia. El dituyu suporta ta hace grande diferencia kanila. Cada vez tu llama, chekya si el tiempo OK kanila para conversa.

Corto maga pregunta para identifica maga familia que alto peligro

Este situacion ta hace con diaton maga familia bien stressed. Puede ba tu abla conmigo pakilaya de stressful (cansao, dificil) ahora el cuidada del maga bata para contigo? 0 – Bien okey lang gayod 10 – Gendeh ta puede man cope	Alto peligro — 5 y mas alto
Muchu maga familia pirmi tan purpiahana na lockdown, o ta sinti como diila maga anak ta precura kanila manda rabya. Tiene ba ansina ta pasa na de ostedes casa? 0 – Nunca 10 – Pirmi	Alto peligro — 5 y mas alto
Note – conose tu con dituyu familia. Si sabe tu alto el peligro kanila, sigui con dituyu saber o instinto. Ostedes el experto aqui.	Alto peligro — sigui con dituyu expertise.

Para con todo familia: Queda ba tu alegre si puede tu saca maga libre mensaje na text para na maga caregivers durante de COVID-19?

[Si si] Omenta diila maga numero na sistema de text messaging for parenting tips [Queda este available na fin del Mayo]


Omenta diila maga numero na sistema de text messaging for parenting tips [Queda este available na fin del Mayo]



CUIDADA AMEDIANTE DE COVID-19


Tips para na maga caseworkers

Para na maga caseworkers: Debe contigo dale alavanza! Gracias cae ta continua tu suporta maga familia que ta necesita, masquin ahora na maga difilic tiempo. Maga heroés ustedes.



Call 1	
Nuevo tip: Man pause.	Si tan pause, ta ayuda este si ta sinti tu bien stressed o rabyaw con dituyu maga anak/jovenes. Si ta sinti tu baka puede tu grita o pega, anda lehos kanila y resulla maga cinco veces, hace sale y entra, sale y entra. <i>[Tiene maga gente quiere canta un cancion--como maga cancion de iglesia--na diila cabeza si ta hace sila con este].</i> Milliones de este maga gente ta puede descubri que grande este ayuda. Pruba tu con este una vez este dia y mira si ay ayuda le con tigo!
Call 2	
Pregunta acerca con el ulihi tip.	Ya puede ba tu man pause y resulla cinco veces? Ya puede ba este ayuda? <i>[Si si]</i> Very good con tigo! Debe gad tu queda proud con tigo! <i>[Si no]</i> Por que este difilic? Puede ba kita resolve con este huntu-hunto? <i>[Prompts: Ayuda kanila pensa diila mismo maga solucion, comparti de otro familia maga solucion, hace unu por unu, dale afirmacion kanila cae ta pruba sila, man-encourage kanila que nomas man give up.]</i>
Nuevo tip: Unu unu lang	Si puede tu crea un vigoroso relacion con dituyu anak, ay quiere se sila move en buenamente. Puede ba tu dale kanila 20 minutos todoldia cuando ta dale tu kanila dituyu completo atencion? Efectivo este si puede sila escuji cosa sila hace juntu con tigo. Si no hay tu ora, puede tu hace trabaho de casa juntu, como el limpiesa de casa y cusida de maga comida, y puede oste canta mientras ta hace con estos! Este ay ayuda kanila sinti importante y amado. <i>[Aqui bueno tambien pregunta: Tiene ba na dituyu maga anak bien silencio? Tiene vez, gendeh kita ta puede dale muchu atensyon con el anak que retirao. Usa tiempo de one-on-one para suporta kanila--baka ta prefiri sila usa drawing o juego para comunica.]</i>
Call 3	
Pregunta acerca con el ulihi tip.	Ya puede ba tu dale 20 minutos de one-on-one time cada dia con dituyu anak? <i>[Si si]</i> Ay que bueno! Bale este cosa tu ta hace masquin na difilic kita tiempo. Y que tal tambien el pause si ta sinti tu rabyaw o malo dituyu resuello? <i>[Si no]</i> Cosa con este ya hace difilic? Puede gaha kita juntu resolve con este? <i>[Prompts: Ayuda kanila pensa diila mismo maga solucion, comparti de otro familia maga solucion, hace unu por unu, dale afirmacion kanila cae ta pruba sila, man-encourage kanila que nomas man give up.]</i>
Nuevo tip: 'Mira y dale afirmacion'	Muchu veces, ta dale kita na atensyon na diaton maga anak na maga mal movida diila, y gendeh si bueno el cosa sila ta hace kay ta pensa kita, "Oh, ahora puede ya gad yo pone atensyon con el lavada!" Pero si puede kita man vicia diila maga buen movida y abla kanila que bueno el cosa sila ta hace, ay mas quiere se sila saca dituyu afirmacion y atencion y pirmi sila hace el cosas maga bueno. Puede ba tu pruba dale afirmacion na maga buen cosas sila ta hace masquin una vez cada dia este semana?

CUIDADA AMEDIANTE DE COVID-19



Tips para na maga caseworkers

Para na maga caseworkers: Gracias gad na dituyu dedicacion y commitment que man contact con estos maga familia. Grateful gad kame con tigo.

Call 4	
<p>Pregunta acerca con el ulihi tip.</p>	<p>Ya puede ba tu vicia maga buen movida y dale afirmacion con dituyu maga anak kay bueno el maga cosas que sila ta hace? [Si si] Muy bien! [Si no] Cosa con este ya hace dificil? Puede gaha kita juntu resolve con este? <i>[Prompts: Ayuda kanila pensa diila mismo maga solucion, comparti de otro familia maga solucion, hace unu por unu, dale afirmacion kanila cae ta prueba sila y man-encourage kanila que nomas man give up dayun.]</i></p>
<p>Nuevo tip: Cuida con dituyu cuerpo</p>	<p>Cosa tu ta sinti? Importante cuida tambien tu dituyu cuerpo. Si dormido ya el maga bata, tiene ba tu cosa puede hace para con tigo que ay hace con tigo alegre? Puede gaha tu dale con dituyu cuerpo buen descanso este semana? <i>[Prompts: Conversa con otro gente, canta, toma cha.]</i></p>
Call 5	
<p>Pregunta acerca con el ulihi tip.</p>	<p>Ya puede ba tu dale con dituyu cuerpo descanso este semana? Cosa tu ya hace? [Si si] Muy bien—Deserve tu con ese. Que tal el maga afirmacion que ta dale tu con dituyu anak? [Si no] Cosa con este ya hace dificil? Puede gaha kita juntu resolve con este? <i>[Prompts: Ayuda kanila pensa diila mismo maga solucion, comparti de otro familia maga solucion, hace unu por unu, dale afirmacion kanila cae ta prueba sila y man-encourage kanila que nomas man give up dayun.]</i></p>
<p>Nuevo tip: Man go kaysa man stop</p>	<p>Pruba abla con dituyu anak el cosa mismo tu quiere que hace sila--kaysa el cosa tu no quiere (y amo este kita pirmi ta hace!). Pruba tu habla, "Pabor limpia si kabaw ya tu" kaysa, "No mas hace kalayat."</p>
Call 6	
<p>Pregunta acerca con el ulihi tip.</p>	<p>Ya puede ba tu abla na dituyu anak cosa tu quiere que sila hace, kaysa con el cosa tu no quiere que sila hace? [Si si] Muy bien -- cuenta tu cuando tu este ya puede prueba hace! Ta dale ba tu tiempo con dituyu cuerpo y ta resulla hondo si ta sinti tu rabyaw? [Si no] Cosa con este ya hace dificil? Puede gaha kita juntu resolve con este? <i>[Prompts: Ayuda kanila pensa diila mismo maga solucion, comparti de otro familia maga solucion, hace unu por unu, dale afirmacion kanila cae ta prueba sila y man-encourage kanila que nomas man give up dayun.]</i></p>
<p>Nuevo tip: Previni con el rabya</p>	<p>Ta puede canaton hace bien rabyaw el diaton maga anak, pero muchu vezes diaton rabya por causa tambien con el diaton situacion. Muchu majores mas posible sinti rabya si sila ta sinti ambre, cansao o triste. Tiene ba cosa con tigo ta hace dificil mantene dituyu calma? Puede ba kita pensa cosa para puede ayuda con este? <i>[Prompts: Conversa con otro gente si ta sinti triste, descansa.]</i></p>

CUIDADA AMEDIANTE DE COVID-19

Tips para na maga caseworkers

Para na maga caseworkers: Gracias gad kay ta mantene tu el comunicacion con este maga familia.



Call 7

Pregunta acerca con el ulihi tip.

Ya puede ba tu resolve con aquel maga tiempo ya sinti tu rabyaw, y ya puede sabe cosa ta puede ayuda?
[Si si] Ay que bueno! Ta dale ba tu dituyu cuerpo maga descanso para ayuda con el stress? Cosa con este ya hace dificil? Puede gaha kita junto resolve con este?
[Prompts: Ayuda kanila pensa diila mismo maga solucion, comparti de otro familia maga solucion, hace unu por unu, dale afirmacion kanila cae ta prueba sila y man-encourage kanila que nomas man give up dayun.]

Nuevo tip: Hace fun con el handwashing

Tiene ba cancion que puede stedes canta junto si ay lava ostedes mano? Para na maga bata puede maga cancion makarisas, o pone tu nuevo maga palabra na tono del diila maga favorito cancion de joven. Puede tu pone maga movimiento y hace con este de alegre!

Call 8

Pregunta acerca con el ulihi tip.

Ya prueba ya tu con el cancion de lavada del mano?
[Si si] Ay que bueno con tigo! Que tal el viciada del maga buen cosas que ta hace dituyu anak y ta dale afirmacion kanila? Ta puede ba tu este hace pirimi?
[Si no] Cosa con este ya hace dificil? Puede gaha kita junto resolve con este?
[Prompts: Ayuda kanila pensa diila mismo maga solucion, comparti de otro familia maga solucion, hace unu por unu, dale afirmacion kanila cae ta prueba sila y man-encourage kanila que nomas man give up dayun.]

Nuevo tip: Usada de calmado consecuencia

Si ta man salawayun el maga bata, el calmado dalida kanila de un consecuencia para na diila maga accion (como el quitada del diila jurgesa un rato) ay puede ayuda mas en buenamente contra si ta grita o pega kanila. Pruba tu este maga steps: 1) Dale con dituyu anak el opcion para sigui con dituyu instruccion antes tu dale consecuencia, 2) Escuji un consecuencia que realistico, 3) acabar, dale con dituyu anak con el chansa para hace un cosas bueno, y dale afirmacion para con este.

Call 9

Pregunta acerca con el ulihi tip.

Ya puede ba tu usa calmado consecuencia este semana? Que tal man?
[Si si] Debe queda tu proud na dituyu cuerpo! Paquilaya el descanso con hondo resullada si ta sinti tu rabyaw?
[Si no] Cosa con este ya hace dificil? Puede gaha kita junto resolve con este?
[Prompts: Ayuda kanila pensa con diila mismo solucion, hace unu por unu, dale afirmacion kanila cae ta prueba sila siempre y man-encourage kanila que nomas man give up dayun.]

Hace kita bira olet

Ya conversa kita junto acerca del maga cosas que ya ayuda na otro maga quien ta cuida quien tiene maga anak. El cuidada del cuerpo, ta dale descanso, ta dale tiempo con dituyu maga anak todoldia, ta dale afirmacion, ta abla con el maga cosas que quiere tu hace sila, y ta dale calmado consecuencia. Quiere ba tu conversa acerca de unu de estos?

 Cada vez tu ta habla un cosa positivo, o para dituyu cuerpo antes tu grito o inggancha, ta hace tu subi el brain development del dituyu anak. Debe tu dale alavanza con el cuerpo!